



江月松風集

上



錢思復詩序



錢唐錢思復好學而有才當壯盛之年未嘗有紛華之悅余見其詩益知其為人思復知余之知之也悉出其生平所著者以示余何其妥適清蕸媿予有唐人之流風焉夫詩本於性情之微觀其音響韻致可以知其蘊於衷者苟怵於利欲而受變於世故之糾紛雖飾其言以為詩固不能逃乎識者之目矣思復養於內者完而接於外者不雜故其發於言者若此烏虜詩豈可強為之哉余蚤歲亦嘗有志於是顧為貧所驅奔走埃壘之涂蓋矣安得從思復日襄羊於雲烟水石間以陶寫吾之

所得於天 予至元後戊寅正月十日陳旅序

錢思復先生詩卷序

詩工於景物至晚唐四靈殆已無可掇拾至宋涉於議論遂謂
議論非唐詩少陵就時事議論亦多耳論者若置少陵於唐詩
外豈三百篇性情議論者非耶常人狃於所習近時又倡為對
偶排以以為律政如木偶人衣冠儼然而無生氣流動謂可與
言詩乎錢思復所作特妙未嘗不議論而不宋於議論未嘗不
景物而不晚唐四靈於景物亦浣花溪上見白頭亂髮兩耳人
耶余嘗謂少陵詩、則律意則不律以詩律其不律之意以不
律之意律其詩莊生斲輪手蓋自有不可言傳者至論格高語

響如居仁邠老猶是第二義耳有能於此觀思復者自是一流
具法眼人至元五年春三月十六日淳安夏溥書

江月松風集卷之一

古詩二首

錢唐錢惟善思復

鳳麟別十載騷雅流餘聲南入蒼梧天鴻鴈雖鳴騁目江上
秋：雲白英：扣舷欲何之山水遺韶韻

白馬幾朝夕震盪赤帝闕不洗鴟夷魂十年屬鏤血我欲騎赤
蚪東上探禹穴手披青玉書逍遙弄明月

送韓介石之平江財賦提舉分韻得館娃宮

吳宮沒花草千年游鹿麋薌徑空陳迹琴臺餘故基雲木夢秀

峰秋蕤生廢池湖波澹空碧扁舟想鷓夷伊人已云往逸駕誰
能追可憐當時樂徒令後來悲今君賦遠游登覽卻蛾眉青楓
莫天濶曠望瓊瑤辭

次韻

負郭豈無資躬畊樂田野文、業扈鳴好雨光風灑扣角長夜
歌荷蓑臥牛下曉行隴畝間新水沒秧馬我聞行路難自古多
軾軻

五柳風脩、牀頭酒初熟萬事不挂懷敝屣視金屋長嘯歌遠
遊唇彼岳之麓滄霞飲沆瀣逝將老雲谷

懷李坦之

懷哉謫仙人白駒在空谷玄風不可攀高枝弄黃鵠馮湖望西
山爽氣炤書屋閑賦招隱篇悠然遠榮辱勸我以浮白贈我以
結綠落石錢唐江吞聲空注目閉門客不來長歌飯黃犢

對月酌酒

對月不飲酒何以陶吾生明輝散空白照我千載情冷然輒忘
寐但覺風露清寒蚤雜羣籟天地皆秋聲流光不可駐長江終
夜鳴酒盡月欲墮浩歌倚層城

陪吳叔異諸君吳山小飲客有期不至者作詩貽之分得

人字限十韻

風鬱孤翠幽亭萃嘉賓維時風日美適目江山新鳴弦調初
夏擷芳惜餘春息景生茂楸俯淵窺潛鱗雍々文字飲楚々尊
俎陳德馨幽蘭佩石澗蒼苔裊清賞暫消搖素期非隱淪黃鳥
鳴吾傍嚶々若懷人百年幾良會緬茲寂寞濱披拂松雲下結
廬行卜鄰

松聲樓為行可仕上人賦

南山多巨松空翠拂靈石根蟠茯苓寒凝一泓碧結樓附清
陰下有雲半席天籟發蚪髯神光生琥珀馮虛奏韶護震霆鼓

潮汐猛若鐵騎奔銜枚襲空壁悄若鶴在陰仙音飛九澤孺々
如有情冷々寂無迹道人了不聞落月滿樓白

送酸齋學士之西川

蜀北文章客風流迥不羣潮聲秋別夢月色夜留君三峽吞秦
嶽千峯抹楚雲形骸捐水石來往更殷勤

山村輓詞

詩窮八十年江海正凄然玉塵風生頰青衫雪滿顛門墻張籍
俊墓表孟郊賢出處人皆識哀歌徹九泉

次沈敬叔之建德次王性存韻

惜別風花急喚愁江草新鱸魚肥可釣漚鳥靜相親月轉星灘
夜潮迴渙浦春贈行無好語家訓足書紳

湖居

負郭輪蹄遠殘春櫻笋佳湖天翻白浪山日黯黃霾夢蝶烏皮
几觀魚畫舫齋何人契幽賞高致到無懷

中秋見月懷故人

海月大如斗江雲明似霞秋聲歸絡緯暮色起蒹葭席散金蟾
彩衣浮玉露華更深望牛女安得挂星槎

送洪安道歸睦并簡洪君寔

講徹西湖席梅邊袂欲分明經期董子采藥訪桐君畎經綸
手江山錦繡文青溪回首處長嘯倚松雲

靈壁手印篇

又序

漢以江都王女細君嫁烏孫王女過靈壁嘗扶以石後
人鐫石為模腕節分明故述其事而為之辭

漢香飛入烏孫國踰白龍堆行絕域萬里窮愁天一方曾駐鳴
鏦倚靈壁靈壁亭、立空雪石痕不爛胭脂節神颺吹影高撩
秋提雲欲補中原月穹廬作室墻以旃佩環鳧託胡歌傳當時
雙淚灑成血、成碧色苔花豎青塚相望去不歸、時定化黃

鵲飛千年恨隔檀城夢漢使者過空雷衣

王氏節婦詩并序

丙子歲天台王氏妻為兵所掠至嵯縣青楓嶺嚙指題
五十六字石上投濬江而死迄今血書宛然泰定初邑
徐丞始上其事請立廟旌之晉張仲舉首倡作詩一章
邀好事者同賦又聞丙子間襄陽賈尚書兒婦韓魏公
五世孫也岳州破被虜之明日以衣帛嚙指書長詩渡
江中流自溺而死其詩多有可稱者有江南無謝安塞
北有王猛之句士大夫咸膾炙之因感其節同其事類

故并及之云

昔聞襄陽賈尚書兒媿韓氏身葬魚嘗以血澣雲錦襦至今波
蕩青瓊瑤嚙指堂、丈夫氣乃見蒼茫甲兵際倚舷不忍渡中
流翻然直向龍宮游嗟、赤城王氏妻青楓嶺滑愁雲低噤江
水黑幽菟啼峭壁萬仞無由梯望夫不來歸路迷石痕兩碧風
淒、君臣失國時所偶兒女喪我家何有丹精貫日昭不朽朝
廷立廟濬江口荆揚孰謂風俗媮嗚呼貞節無與儔二女允也
忠義流他年太史須編收

八月十五夜風雨後見月有懷

天柱峯高月華碧自古人間風雨隔飄然欲探蟾窟游萬里陰
霾妬夜夕玄雲忽開黃道明頽鬼涵秋抱冰魄嫦娥偷藥長少
年桂子薌霏羽衣濕飛仙扶我凌太清萬丈寒光湛虛白美人
不來空夜涼白紵歌闌露花積

登五雲山

昔覺遺衣久不傳五雲故色尚蒼然斷崖蘿薜三千丈喬木風
霜四百年龍井兩深泉獨厚漁村潮上月初圓寶坊金碧紅塵
聚何似茲山更絕緣

永昌王傳長史杜伯誠還西涼索賦時伯誠以王命收書

使星光動斗牛精黼黻殊方禮樂成青海昔為傳箭地玉關今
有讀書聲東探禹穴千年跡西望秦雲萬里情充棟汗牛寧銜
富要期多士谷昇平

九日鳳池小集分韻得花字

寂、禪宮一徑賒傷心搖落異繁華錦池冷浸鳳皇影畫壁秋
生苔蘇花九日江山又風雨百年臺殿自烟霞徘徊快拭登臨
目更約西湖泛釣槎

送曹克明員外之湖廣省

錢唐西望武昌城天際飛艎幾日程三峽波濤下江漢九嶷雲

霧接巫衡咲談落、蕭曹佐登覽蒼、屈宋情更把文風變丹
徽不須銅柱紀南征

送陳續古之會稽教諭

負笈西游未十年絕江又泛剡溪船碧窓夜靜雲分榻絳帳春
吟雪滿瓊人憶蘭亭晉文物神留玉筍禹山川知君懷古登臨
處喬木蒼烟思渺然

送立以敬淮海山長

中州文學振家聲英妙當年月旦評鸚薦早登賓貢選龍飛特
被聖恩榮月明潮落金山寺雪盡江流鐵甕城弦誦洋洋徧淮

海憑高懷古有餘情

題杜甫麻鞋見天子圖

四郊多壘未還鄉又別潼關謁鳳翔九廟君臣同避難十年弟
妹各殊方中興百戰洗兵甲萬里一身愁虎狼寂寞當時窮獨
吏按箇懷古恨茫茫

分韻送諸暨胡允文

登瀛籍甚冠多士入剡蕭然訪故人野雪推蓬林汎夜樵風傾
蓋穩行春破琴獨羨戴安道衣錦孰如朱買臣招隱歌闌却乘
興濯纓時復過溪濱

久早聞丞相禱雨上竺喜而賦詩

海霞炎日火流金萬里蒼旻不肯陰山澤那無作霖意雲霓未
答憫農心西湖夜熱波猶沸南土秋乾雨不淫林下何人坐忘
寐短檠賦罷碧窓深

方養心自廬山歸時傳養心已仙去故以丁令威嘲之

萬里扁舟拂釣磯琵琶空怨不需衣廬山正想陵修靜華表忽
聞丁令威種杏豈無高士隱巢松曾有謫仙歸月明夢到西江
上五老峯前白鶴飛

奉和左轄吳公禱兩天目山有感

乾坤亢旱兵塵浚廊廟深憂畎畝間千里西成望井澤百靈前
導謁名山清秋雲雨蛟龍窟白日雷霆虎豹開俄頃神功廻造
化作霖未許老臣閑

次韻荅仲仁梁君

說詩久不來匡鼎千里月明歸思遲南國詞人空擬共東閔逆
旅漫歌噫無才我乏瓊瑤報有志君看禮樂施安得錦箋三百
幅便風日、寄相思

喜得家信

昨夜燈花今夜書西湖歸夢綠陰初吟邊欲寫晉春意呼酒旋

烹雙鯉魚

雪夜

水鏡冰凝玉萬家有人和雪嚼梅花夜闌酒醒歌招隱欲喚扁舟向若耶

又

凌室冲、已鑿冰兩峯高聳玉稜層漁郎睡熟蘆花被冷照蓬窗雪一燈

過清壑雲扉用吾子行留題韻

縣僻削青雲繞扉挂藤走翠石鈎衣洞簫聲遠人何處風送巖

花撲面飛

題高彥敬竹石 又序

彥敬自跋云草窻出謬經一幅就破硯完僧筆磨臭膠墨命寫竹賴有紅酒一尊少助浩然之氣故有此君子不可轉之妙態校官仇山村屠月汀鄧匪石今歸之吳子靜子靜乃草窻外孫故及之

石似於擇竹似槎尚書醉墨洒流霞并陽寶繪今餘幾片紙清風想外家 於音烏擇音徒於擇虎也

四月十九日與索木魯子昇登雷峰塔

百轉鶯聲兩部蛙不知春色在天涯
綠陰千里飛紅雨濯錦江邊正浣花

送王君寔赴臺都事 并序

行省都事王公君寔近除南臺都事宸翰所定也將行求餞章其人天性至孝以親喪未葬不茹葷酒者十有七年省臺交章史館立傳起身憲府書吏兩任廉司知事以河南都事而為南臺監察御史以江浙都事而有是除所至以廉能清直見稱

翠掃蛾眉蹴浪花江山乘傳挹清華羽儀要路參臺閣骨鯁平

生相國家傳列太常旌孝友班聯御史削姦邪遙知案牘無塵務簾捲芙蓉晝煮茶

江月松風集卷之二

故宮春望次平禹成韻

登臨休賦黍離章千里江流接大荒
劍鎖血華空楚舞鏡埋香
骨失秦粧薜蘿山鬼啼螢苑荆棘銅駝卧鹿場
寂寞萬年枝上月夜深猶照舊宮墻

久雨大風二首

蒼生愁暑雨甲子變秋霖風自四方至雲從六月陰
聞鷄休舞劍聽鴈欲霑襟渺々江湖夢區々猷畝心
東南稱樂土旱澇異中原淫雨憂天漏顛風畏海翻
早禾登越

旬秋水漫吳門學道甘清苦
翛然愧飽溫

懷師魯國賓二君子

讀書燈火似秋涼
夢筆還成五色章
風雨雞鳴君莫舞
江湖魚樂我相忘
清談常想東西席
高卧何須上下床
他日遠來山水窟
苔花如雪扣渙柳

奎章典籤達無善
除南臺監察御史因寄小詩奉賀并簡

大龍翔咲隱長老

風雨雞聲起夜闌
相思欲寄翠琅玕
校讐東壁圖書府
搏擊南臺耳目官
萬里江行過采石
九重天語出金銓
他年了却埋輪

志芋火山中對懶殘

送趙李文侍嚴君心遠公宦浙東帥府

江驛霜晴木葉乾
庭闈正喜共之官
山中圖史隨賓幕
海上旌旗擁帥壇
烏賈獻琛兼百粵
秦兒采藥渺三韓
知君覽勝登天姥
定駕長風振羽翰

和沈若水山居韻

誰識山中隱者廬
白雲無路問樵夫
閑將榭葉紉衣佩
靜試蓮花刺漏壺
入海已憐方士拙
卧雲偏羨列仙癯
甕頭春色多藏酒
更有琴書足自娛

送吉甫赴江西省同考試

楚士如雲集豫章百年文物自歐陽
雕蟲未足追騷雅相馬當知出北黃
寶劍徹天占太史亦作朱簾捲兩宴滕王此竹聲價
南金重要負真材作棟梁

早發荊門得風直抵阜林泊

白龍廟前風浪生扁舟初離闔閭城
婵娟霜月鴈千里顛倒衣裳雞五更
艖答漁歌江入夢帆迎野色櫛移城
葦間何限秋葉瑟愁絕胡笳出塞聲

寄題邢氏清寧樓

唐微天師題扁

縱目東南極杳冥乾坤萬里正清寧
檻憑江樹霏煙兩簾捲淮波蕩月星
賓讌仍招古滕客仙書聊憶紫陽銘
秋風三疊詞難和樓上居人本姓邢

述懷

倦游湖海十年餘人物如雲想國初
貞觀名臣重房杜建安才子數應徐
聞鷄起舞閔河北射虎歸來事業踈
便欲巢松尋五老短檠依舊滿床書

送故朱儁卿安厝定山斗門

埋玉空山巷不歌春暉精舍鬱嵯峨
籜龍頭角驚雷雨木客衣

裳雜薜蘿入樹雲霏千點翠出溪泉涌半江波懷人俯仰成陳迹慢憶蘭亭記永和

送南泉陰陽教授許存古北上

南游千里宦桐城春滿錢唐不繡縈禹穴藏書期太史客星犯斗覓君平驛晴馬上看山色江夜燈前聽雨聲折柳不堪容易別望雲心遠定懸旌

送浙江憲掾王庭訓遷江西

長風掛席向洪都憲幕諸郎喜有儒雕鶚九霄同奮擊鯤鵬六月快搏扶學傳齊魯文無害詩到匡廬興不孤草色綠波天共

遠尊前莫忘唱吳歛

宮詞二首 和符安理鎮撫韻

放生池上月沉鉤掖樹如雲易得秋鐘動景陽梳洗早轆轤聲轉井幹樓

夢驚鴛瓦落宮墻殿鎖長秋怨夜涼教授後庭今白髮舊時博士藻披香

題兩童牧二牛圖

齊侯聞飯牛黃帝問牧馬二豎真若人三生已忘我應無醉尉呵莫止宿亭下遲、高柳陰解衣盤礴羸

杏花

寺鶯期燕引游蜂知隔垂楊第幾重壇近緇帷忘晝永宮催羯
鼓助春濃絳烟輕潤香鬚裊紅雪乾團粉淚鎔寂寞曲江人不
見貞元朝士憶時雍

次彥清韻送斯道

葛洪有約遊天竹惠遠無心過石橋溪樹鎖青嵐雨霽湖風皺
碧岸冰銷忘形野老時分席洗耳山人昔挂瓢橫碧齋西夢泉
上春猿秋鶴定相招

送魯子昇

作吏能忘勢逢人每說詩同庚慙我長莫逆受君知語輒傾肝
膽情難慰別離江湖還有夢風雨豈無期

即事

壺隱初逃谷樓居欲近江攤書山繞席岸幘月臨窻白鳥汙秋
筴青蟲撲夜缸蕭然無物累靜勝此心降

題賈治安同知秋林平遠圖

軒蓋昂昂五丈夫傲然下睨石於樺扁舟人似青山瘦折簡從
來不可呼

送月彥明之台錄事司宣差

彥明右榜進士

入政裁煩劇承恩擢僑髦憲芸堆舊笈宮錦製新袍台嶺連天
姥霞城枕海濤絃歌有餘暇送目到金鰲

懷陳子敬王子仁

倦游年少滯江南憂患驚心百不堪韶海有人遺白葛洞庭無
客寄黃楫涼風拂袵聽喉嚨夜雨移燈覆手談寂寞歲寒梅共
我月明索笑碧雲簷

書金字經二首

梅檀香滿梵王居丞相旌旄映使車四十二章傳貝葉五千餘
卷集金書當年鹿苑無文字後世龍龕校魯魚要與石經同不

朽河清海晏太平初

羲猷能書稱異代騰蘭傳法度流沙天香字字融金液雲錦重
重疊寶葦了義何須談般若前身我亦寫楞伽儼然似會靈山
日欲向龍宮訪大家

西臺都事劉文美東平人來游江南訪舊今回淮西

西臺辭案牘南國泛舟航淮海壯游夢關山古戰場秋風秦樹
老春兩楚萍香此際多佳句驚人奪夜光
入蜀題行紀遊吳憶講帟一廉伸正氣羣枉畏公非讀律師黃
卷論文友白衣明時休老去臺閣想風威

山居有懷

寗前草帶不須刪
車馬來稀夢亦閑
夜雨欲添漁浦浪
夕陽偏照富春山
豈無高士藏玄豹
會有幽人寄白鷗
見說城南春正好
相期杖屨過桃閨

春日寄平常居士

硯落燕泥書滿樓
看山卧到越中游
一池春水養科斗
半樹夕陽揩北斗
野蕝療飢多笋蕨
隴雲呈瑞盡來牟
北窻人在羲皇上
應掃蒼苔枕石頭

寄題野航亭為洛水陳景文作

靜觀塵海日茫茫
大地誰能一蒂抗
祖笏不妨傳相業
漁蓑正好藉禪床
晚潮欲上橫春雨
秋水才深載夕陽
萬里卧遊唯一息
白鷗入夢是滄浪

筆床茶具了生涯
彷彿當時畫舫齋
雲卧東山思入剡
雨吟西澗記遊淮
百年泛宅同漂梗
萬事虛舟等夢槐
自是人間閑宰相
不愁炎瘴過瓊崖

江月松風集卷之三

洛陽陌

驅車洛陽陌周道何遼遲
玉帛走侯甸金湯固城池
潘令好桃李阮生多路岐
銅駝卧荆棘索靖獨先知

隴頭水

嗚咽隴頭水東西流至今胡馬不敢飲
野狐時見侵月明古磧在水合
交河陰隴底有白骨啣冤啼夜深

關山月

落、漢時月蕭、古戰場揚輝子卿節
逐影細君裝高映玉關

外低沉青海旁不侶閨中夜祇照繡鴛鴦

長安道

車馬如流水樓臺結彩虹王孫來戚里豪士遇扶風不覩衣冠
盛空聞意氣雄鳶肩亦何事日暮醉新豐

折楊柳

何處好楊柳攀條贈遠行花飛度江水客醉蹋歌聲秋色彫榆
塞春陰接鳳城一枝不敢折為近亞夫營

梅花落

笛裏梅花落何處最多愁紛飛江月夕吹破隴雲秋腸斷白榆

塞夢回黃雀樓行人不堪聽雙淚滴孤舟

湘淚竹筥

黃陵廟前捐佩玦龍影搖文織湘血翠帷塵滴不乾雲湘水無
聲秋兔咽蠻娘弄作吳娥吟五音嘹亮生枯節一聲直向天上
聞手挾飛僊挽秋月嗚嗚似向烟中語十二螺鬟排律呂黃雀
樓空人不還斷腸聲裡招神女

金銅雙驢裏歌

闔閭城外吳王陵金精化虎曾上騰漢侯珠襦爛玉押秦皇銀
海燒魚燈佳城鬱鬱三千載摩挲長狄今何在石田耕破雙裏

蹄泉下房星黯無彩雲霧晦冥辭夜臺朱斑繡溢華生苔哀我
弔古伊孰儔好事稱是神明器我疑出自祁連冢百戰功成殉
龍種君不見

峴山分題送錢德謙之湖州學錄山在州南五里唐李適
之為別駕嘗登此有酒樽在焉東坡守吳興日來嘗登
之有詩云吳興勝襄陽以吳興襄陽同有峴山故也

我昔游吳興冥搜峴山首前瞻李別駕後仰蘇太守文章世爭
傳風雨樽不朽登臨豈無人二子名獨久因之憶襄陽形勝開
闢有羊杜嘗愛之聞望揭星斗致令墮淚碑感慨千載後虎據
彼則然漁釣此為右兩地雖為殊能事果同否煩君弔陳迹長
歌傳卮酒

早起

披衣舞危坐心清聞曉鐘流光入窻白月澹西南峯游魚躍風
藻幽禽翻水松青山如膏沐遠樹煙為容舟人與漢子菰蒲深
處逢

保叔塔

金利天開畫鐵簷風語鈴野雲秋共白江樹曉逾青鑿屋岩藏
雨黏崖石墜星下看湖上客歌吹正沈冥

酸齋學士挽詩

身騎赤虬攬江海手携錦囊拾蘭蓀月明采石懷李白日落長沙弔屈原萬里壯游遺劍履十年高卧老乾坤萋萋芳草漢陽路王孫不歸遙斷魂

南谷平章壽福樓落成

壯觀湖山開甲第黑頭宰相考中書氣占牛斗窺南極手摘星辰切太虛賓客風流常滿座神仙縹緲好樓居飛闌十二標霞外注目吳山千里餘

江心寺分韻得風字送陳輔賢之温州教授

嘉禾美山水物色分禪宮斷溜涌金碧倒景驚魚龍兩峯橫翠黛雙塔卧虹齋鼓峇寒汐漁歌生晚風蕭然地形勝迥覺塵囂空維昔有帝子駐蹕鯨濤中至今小金焦突兀摩蒼穹陳君富春彥五歲稱神童三年為博士豈徒事雕虫江心隔千里客星眇孤蓬

題華山圖

西岳秋高翠挿天紫霞堆裡卧神仙長生漫憶金莖露消渴惟思玉井蓮石室有圖空想像洞房無鎖絕攀緣遠游約我乘風去白谷青厓思渺然

送著作兼善赴奎章典籤

龍飛天子中興年使者弓旌集後賢閭闔早朝班玉筍瀛州夜
直賜金蓮五經同異須劉向三絕才名數鄭虔黼黻當時遺老
在長歌黃鵠送樓船

題夷齊采薇圖

海濱二老共歸周扣馬鷹揚似不伴寂寞西山采薇後清風未
許屬巢由

謝公墩分題送蔡恒之赴建康江寧論

鍾陵何鬱蒼中有半山寺緬懷謝公游盤桓此携妓當時縱清
談于今見高致舒王起千載休官老其地蕭然愛茲墩胡為較
名字嗟公雅好爭閑處亦留意是墩在穹壤正與秋毫似那知
人去來豈識姓同異嘗觀達人心於物了無繫道不殊町畦情
偶寓形器君行弔古餘一咲遣塵累

送魏好義尹分水賦十六瀨

東來衆水發新安歷歷桐川第二灘萬疊冷雲藏亂石一江春
雨落驚湍青山隔樹連渙浦白鳥迎潮入釣壇地占客星高隱
處時飛鳧鷁上岩端

題金明池圖

金明池涌橐駝虹駕幸瓊林歲々同貌虎羽儀陳鹵簿魚龍角
觝戲珠宮樂游臺殿今成沼習戰旌旗昔蔽空寂寞畫圖傳後
鑒六飛回首塞池紅

懷泳南江并簡黃晉卿州判

憶宿南山小蘭若蒲床莞席岸烏紗掃雲曉辨諸峰樹聽雨夜
煎雙徑茶白傅中年緇貝葉遠公何日刺蓮花逃空欲避人間
世江海蒼茫可泛槎

長洲苑分韻題送于夢臣赴平江經歷

長洲陳迹帶姑蘇倒影曾臺枕太湖綠草一川春走犬青楓兩

岸夜啼烏絕江旌蓋誇吳使佩苑文章勝蜀都登覽無煩重感
慨芟荷香裏想乘鳧

題吳和之所藏玉麒麟石名

靈辭幻成麟一角鳴球尚想獸蹠々泗濱無復供王貢木潤玄
雲寶繪堂

題伯仲節所藏錢舜舉金碧山水

浩蕩鷗波萬里春回頭車馬九衢塵往來共載乘魚客揖讓相
逢化鶴人茗雪溪山浮紫翠蓬萊宮殿涌金銀桃花流水知何
處猶有征夫遠問津

懷大滌山李坦之徵君古律二首

巖、石室山高卧如太白
餐霞誦黃庭
嘯月呼木客
軌途脫軒
輕武庫生羽戟
翠瓢酌丹泉
清風振重席
雖談老氏玄
猶抱左
傳癖曠尋方外遊
杳若人間隔
飛仙渺蓬瀛
弱水浮碣石
吾將
泛星槎
子亦躡鳧鹿
門走冠蓋
韋衣慕岩澤
歸去來山中巢
雲在蒼壁

又

常思脫屣出塵寰
何羨封侯過玉關
夷甫不平牛背上
石生無事馬蹄間
家懷萬里藜、菊樓對西湖面、山何日携書游大

滌翠蛟亭下聽潺湲

訪一溪長老宿桂子亭

杖藜清遠溪幽事
獨神領澗碧繞嵐霏
林綠散風影坐忘人間
世卧浮塵外境何年
獲鳥羣歸來鍊丹井

宰淵徵昇仙詞

武夷九曲水縈迴
棹轉歌聲夜壑哀
鍊藥偶移丹鼎去
乘雲豈待玉棺來
夢歸淮海身為宦
壽及喬松背有鮎
見說仙書遺肘
後六丁下取叱風雷

題王氏壽慶堂 先世居蜀

江左衣冠蜀又吳蓬萊清淺見麻姑碧桃洞府非塵世玉樹
庭即畫圖采藥他年入龍虎捫參何日返魚鳧九霞觴進長生
酒五色雲中舞鳳雛

題畫扇

銀氣蒸成雲白嵐霏散作空青中有幽人小隱松風澗水冷

秋熱

融風未肯西秋陽逾六月夢登天姥雲坐想蓬婆雪列仙好乘
空王者扇扇暘若人不復見滄浪一晞髮

送極元講師主四明

杯渡蒼茫不泛查蓬萊雲氣赤城霞蜃樓上繞靈仙宅貝闕潛
通海若家畫講風生鐵如意衣禪月照白蓮華知師訪舊山陰
道細數千峯過若耶

過吳松江

柔櫓江聲急垂虹曙色分天風搖素浪海日破玄雲肅々夜來
鴈營々秋後蚊詩成渾不覺漁唱隔煙聞

雲濤軒為吳孟師作

剛仙消搖溘埃外乘飈穩坐金臺背咲彼壺中縮坤軸廣庭何
處聆天籟蒼茫豈但豪嵩衡浩蕩直欲杯蓬瀛蜃氣樓臺倏變

幻宦形車蓋相逢迎須臾迴駭向天目把帝青珠捫斗宿冷浸
瓊田漲冰谷倒射龍宮搖貝闕前導山靈浚河伯咲琢石華拏
海月歸來齋居浙江滸嶧山之碑爛秦兩四壁蕭々懸石鼓鐘
鼎冠裳輕一羽日與天香游時歌大人賦夢想澄々秋萬頃目
數英々春五素東海揚塵走蒼狗勸君且酌杯中酒一息萬里
且搔首更招子虛問烏有

挽傅景文

卧病西湖曲招蒐富渚陽賦高唐八韻律熟漢三章丹旒風為
馬青山石化羊應從赤松子不見少微光

悼西山猿

老衲敲松喚不還黑衣何處落潺湲慣曾索果西湖上無復號
弓楚峽間挂月影沉千尺榭嘯雲聲斷萬重山羈雌寂寞成孤
怨更約他生獻玉環

喜白髮為陳師復賦

勲業無成散似樗青銅欣見二毛初中郎興動秋風起太傅詩
成壯歲餘皎々易汙時一沐星々難染漫千梳等閑得此無情
物自有忘憂滿架書

又

華顛何必嘆浮生正喜朝梳雪數莖黔首難愚秦子弟馬肝空
賜漢公卿不愁春去成雲往唯愛秋來對月明老去故人容易
別登山臨水更多情

題廣微天師昇龍圖

噓氣成雲薄太清墨卿靈怪硯池腥波濤光采失雙劍風雨晦
冥驅六丁朱火騰空超碧落翠鱗垂水捲滄溟真人上挾飛仙
去安得攀髯過洞庭

題節婦呂氏傳後

又序

節婦登州永康何李長妻李長得北山何公魯齋王公

學父子舉其學出西山真公鶴山魏公學者稱寬居先
生節婦年二十九季長卒有一子名述生甫三月時南
江寇盜充斥人死兵戈者十七八呂氏能披荆棘犯霜
露保育其子若女且全其家

至治二年春二月郡邑長吏文學博士奉承
詔旨備醪餼具禮幣旌表其門

世變婺居日水清斷織時始知家學舊不與國風衰旌表神明
囊流傳絕妙辭柏舟懷往古烏繞越南枝
囊與裔同

江月松風集卷之四

杭學初正講座憲使吳公命也詩以美之

使君天下士草木知名姓威風凜直指恩露承寵命柏府往僉
司蔽垣前秉政繡衣重監臨駉馬相照映齋沐謁黌宮釋菜見
先聖拜跪瞻衮冕憂擊脩鐘磬衿佩歌鹿鳴牙纛肅魚滕升堂
成揖讓振席竦觀聽教由師匠尊禮始臯比正巍生煥且嚴高
談響斯應道統續泗沂造詣希顏孟經籍光日星訓詁過王鄭
皇家羅俊英鄉賓推孝行六館四方萃五老萬乘敬被漸王化
遠絃誦士風盛微公孰舉揚有識咸贊詠儀槩一旦新黼黻千

載慶公賢如昌黎公學似安定辭闢異端熾 肆諸生泳不棄
小有才所貴為用倭去邪真踰繩燭幽明比鏡容怜敝貂蘇衆
援飯牛甯輿歸旦評國事待秋風請鳳池山公啓冠豸湯子諍
何時居中書蒼生慰懸罄

贈真風道人

平生遠慕列禦寇御風冷然九州九西行入秦北走燕東浮並
海南窺斗漆園傲吏八極游崆峒真人千歲壽消搖更上歌風
臺弔古戰場一杯酒

題龍虎孫希文尊師為蕭泰定所作丹房寓隱圖

結茅雲裡萬塵空辟穀相期伴赤松晝夜常明羽人國春秋不
老藥仙宮飛騰舐藥容雞犬蟠伏成形看虎龍縮地壺天今有
術願辭羈絆問叅同

春游曲和傅子通韻

蛾眉曉壓黛雲冷蟻波綠汎秋蛇影千金難買能賦人轆轤聲
沈舊宮井青絲不梳慵蚕起十二螺鬟翠相倚鸚鵡解言天上
愁紅雨香漂御溝水曦車急々催飛光杯中淺深愁短長東隣
誰唱斷腸曲游絲落絮春茫々

金蓮

凌波仙子出塵姿
飛燕身輕太液池
翠蓋紅裳空裊娜
錦心黃素自清竒
美人襯步行春處
學士承恩炤夜時
五老峯高誰攬秀
卧游閑對碧漣漪

定山十詠

風水二洞

洞在定山南
稚川嘗鍊丹於此
東坡與李節推同游唱和見集中
方玄英許暹州林和靖皆有詩

空穴來風自吸噓
垂巖出水渠天門此際通
閭闔海眼何年泄
尾閭隱者難招應
化鶴飛仙可挾更乘魚留題太守懷蘇

白好事今無五馬車

鳳凰雙髻

鳳凰山名在定山西
其頂有兩峰儼然如髻形

鳳來天目憇東南
瓊樹巢空百鳥漸
千仞翱翔秋縮髻
兩髻鬢鬢暮棲嵐
誰嘲風落烏紗帽
自借山為碧玉簪
仙女洗頭休望岳
相期岸幘對虛談

朱梁夜泊

在定山北江舡抵暮
或避風俱泊橋下
長虹下飲逆流渾
雪色沙寒石闕喧
晚飯鐘催隣驛寺
宵漁燈

映並山村月明欲解江靈語風橫難招海賈魂省得楓橋曾繫
纜一蓬烟兩夢吳門

定山早行

謝靈運富春渚詩有曰定山緬雪霧即此也

前峰月吐四更初空翠沾衣積雨餘溪丈衣明經略約澗雲秋
重負蘧籐籐林虎與人爭畔茅屋雞催客趣虛不似閩山行役
者勞、服賈遠牽車

六和觀月

在定山北山名月輪寺臨大江遇月尤奇古錢唐令張

君房曾宿月輪寺月中桂子下塔如牽牛子咀之無味
招提高轉月輪峰樓閣清空十二重秋憶天香飄古桂冷凝岩
雪落長空池光照夜明金鯽塔影橫江卧玉龍聞道廣寒從此
往竹房開處約飛筇

五雲賞雪

在定山北梁普覺禪師道場宋故事每歲臘前主僧必
奉表以雪進黎明城中霰猶未集蓋其地特高故寒云
獻瑞名山自昔聞化人臺殿雜金銀樹靈尚吐三花秀雲凍全
銷五色文鳥絕空江知棹泊鹿迷深徑待樵分興來更上高寒

處此境應無蕭使君

龍門曉雨

在定山西兩峯壁立如門上有龍潭能興雲雨歲旱禱
之輒應

神剴峭壁竦雙扉兩挾腥風下翠微黑入太陰迷爽氣白翻藂
薄散朝霏螺橫雜樹應藏景蛟吐癡雲未霽威回首他山新似
沐登樓時覽女蘿衣

漁浦春潮

與定山相對謝靈運富春渚詩有曰宵濟漁浦潭者是

也丘希範亦有旦發漁浦潭作

江漲夜來高幾尋輕濤拍煖失蹄涔遲明帆發星灘遠盡日舟
橫雨渡深杜若風回頽鯉上桃花浪起白鷗沉越人艇子來何
處欸乃時聞空外行

浮與藏魚

在定山側浮江如盤石下有潭聚魚玲瓏可觀潮出海
門中分為兩派東派沿越岸向富春西派則直抵茲山
而迴諺謂之回頭浪

潭色空澄島影孤潛鱗時出迓天吳浪吞泗磬秋浮五月照驪

龍夜吐珠萬騎西來疑灩澦扁舟東去想陶朱投淵每咲窮漁者何處烟波覓釣徒

浙江耀武

將壇在定山北每歲春秋萬夫長分翼江上帥士卒習水戰於此

年々江上習舟師故事相傳劫火池春日樓舫觀晉相秋風弓弩學吳兒素車白馬迎旗隼紫鳳玄夷畏虎貌日暮元戎歸細柳散花洲畔凱歌時

觀廢宮城

吾聞女媧氏立極斬鰲足又聞帝軒轅疆理定坤軸外以禦裔夷上以應列宿犬牙各有分雉堞遙相屬後世慎屏翰磐石固宗族召伯力營謝齊侯重城濮下待虎視秦壯勞萬里築漢興間左戍子嬰天下戮在德不在險此理甚昭燭商辛尚雕峻劉徹務窮黷李氏憂顛史公孫恃巴蜀胡云歷代亡不鑒前車覆惟昔宋南渡錢唐稱輦轂衣冠晉王謝鼎社周邾鄰地氣有回旋天道好反復長江既失守炎祚迺訖錄江山仍畫圖廟闕盡回祿載瞻金瞿曇碩貌毒恢基鑊女墻分甄甃僧屋壞灰餘雪彩朽壁爛椒馥色侵禁籞莎根蟠故宮木內湖亂蒲荷人

家種荀首千古感者父攀危讓童牧哀々鴈孤鳴啾々鬼陰哭
歌殊彼黍離傷深茂草鞠千年城復隍萬變岸為谷撫懷慨金
湯臨風送鴻驚秋峰遠掃眉夕陽聊借目平生耿堪與藏可一
粒粟盛衰傳自然不實戒吾辱

過環山求虞卿家訪申屠光遠

千峰繚繞似環滁中有幽人此讀書三徑曾陪羊仲入一亭還
擬醉翁居晚風馬上花難折春日窻前草不除可喜異鄉同是
客他年絕跡樹為廬

久旱酷熱以杜詩林熱鳥張口為韻分得口字

朱鳥居炎荒蒼龍集癸酉暘烏燭雲漢山蛭脫塵垢天瓢韜玉
符風鐸絨金口洞庭收雨工常山潛電母魚跳渾々波龜折每
每畝渴想秦陵瓜虛懷華峯藕歡應遲御史寃豈在孝婦載瞻
天咫尺願賜^水并斗

劉時中待制見和定山十詠作詩以謝

玉堂學士來湘中咲攬衡岳吞雲夢西瞻蛾眉呼太白南望蒼
梧登祝融射魚昔號玄真子樵青隨處携詩筒扁舟匹馬萬里
外曾渡瀛海過崆峒識荆再拜二十載棄繻誰復憐終童辭官
錢唐聽江兩願言擊壤歌元豐定山品題々自靈屹然當道江

爭雄雲泉靈洞自竒絕燒丹嘗聞留葛洪浮山下鎖蛟龍窟百川砥柱為之東五雲高標太古雪日輪直上清虛宮招提翬飛翥龍鳳漁子暝宿蘆花風是間勝槩難指數作者往來皆名公山靈昨夜見我夢喜得珠玉傳無窮杖屨何時此幽討潤色舊觀重發幪問公前身竟是誰香山居士東坡翁

分題賦三高亭王彥昭之平江

長往非求身後名此亭高占五湖情歸吳豈為尊鱸計去越終借粉黛行漁子一時隨獺祭詩人千載預鷗盟筆床茶具扁舟興還約煙波老此生

近竹軒

參差翠繞屋西偏手種琅玕已十年座有清風多簡冊門無俗客勝林泉北窓夢到羲皇上東里家居剡溪前投老此君同寂寞橫經才罷又鳴絃

題江行圖

七澤秋連楚兩昏布帆千里向荆門舟行莫近清湘泊楓樹青青亦有援

故廸功郎項君挽詞

君諱某字用文台州寧海人也

國朝取宋之師在江上時宰拜表請出督戰風所私具
疏留已鄉校試諸生以裴度征淮西事為問君設對極
論時事斥其情狀讀史漢忠義節概之事必感慨或至
垂涕以建功即浙東提刑司準遣而國亡矣大德中嘗
具便宜廿事為書萬言將上之既而有名退翁以終其
身至大三年夏五月壬辰卒年五十七後十六年當泰
定三年冬十一月壬子葬
江海之官後乾坤革命初醉醒十日酒出處萬言書淚落忠臣
傳名全義士廬使公躋上壽應可致安平

望雨

落月相隨曉挈瓶井甃何處汲清泠雲霓失望憂千里河漢成
章耿七星驅厲文能訟風伯禱龍官屢謁山靈孰知太守勤民
念歌市重看喜雨亭

送張仲舉赴昇庠訓導招

巷居身已因流傳江海聲名四十年鸚鵡賦成回鶚表斗牛光
徹見龍泉史雲豈肯留賓閣侯載終期難帝前若到秣陵應放
古未容秋興理魚舡

次陳君瑞游鳳凰山光明寺

左瞻劍戟龍門並上脫冠巾鳳髻雙齋近木魚鳴晝廡行遲松
鼠落晴窓雲深不覺山藏寺溪漲應隨雨到江未識此中真樂
地三生光喜俗緣降

芙蓉次斯道韻

池上殷紅一萬枝紛披應不為秋衰錦城王者愁風雨玉案仙
人浣粉脂蘭棹涉江辭越女雲裳擁水却馮夷月明四十餘里
路夜宴何須步障施

江聲得五字

小海歌闌渺平楚中沉日暮猶鳴槽怪疑鐵笛和龍吟清應冰

絃出魚舞響入蘆花暗長潮寒吞樹影晴飛雨遡源欲聽巫峽
秋夢繞蛾眉月三五

竹軒為吳江朱君賦

居竹軒

若人稽阮流高標疇敢伍家居近吳松種玉繞環堵寒碧千畝
雲秋聲四簷兩開迳友元卿膽淇師衛武怡情即丘壑忘情孰
賓主狂造謝輪眩搖雙碧吐火心靈養寸丹寂寞剡中餘野興
裴回歲杪接農歡山川何處真竒絕晴泛扁舟十八灘

苦熱夜坐

樓居小溪上涼生二更後流鶯入深竹鳴蛩息高柳浩歌欲凌

敲新浴聊去垢靜引白團扇沈思碧筒酒散髮濯風露開窻納
星斗明河與海通浩月隨行走幽賞勿造玄佳句難成竊所懷
不可招南澗蒼髯叟

江月松風集卷之五

三月既望求虞卿申屠光遠葉子實諸友載酒過西山酌
右丞公墓飲泉菊亭

真人漢飛龍孺子羸夫鹿三輔歸版圖九有走臣僕豫章收楚
材遺珠貢揚牧黃鵠下瑤池白駒出空谷緬惟右轄公戎裝映
儒服堂、貴黥相便、夢松腹騎箕感商宗烹雌遇秦繆英雄
北海孔詞藻東吳陸一時彗星躔萬里儋州禿名應回直言奮恩
被昭代錄虎賁興明紫微端秉軸羊裘畊富春赤松期辟穀
翩然五湖舟南歸得休沐首丘全要領不貽隴西辱我生後百

年慕蘭仰高躅相逢盛德後再行西山麓佳城何鬱々爽氣殊
肅々至今白雲裏猶藏君賜轂麗句吟月梅遺文記泉菊玉筋
丞相篆寒芒射人目彼哉負國者地下有餘僂公乎不可作醜
酒宰上木

奉和太常博士柳公浦陽十詠詩

仙華巖雪

縣北有仙華巖翠掌浮空雪景尤奇

仙華生白夜光澄五指分明最上層冰凍金莖承沉瀝月寒玉
笋挿觚稜麻姑羽蓋從空降少女雲輶自此升幾欲凌空披鶴

慳剛風浩渺興難乘

白石湫雲

白石龍湫在縣東南能出雲為雨

霧雨深涵白石泓魚鱗屋冷氣輕清中藏異瑞成銀甕下隱神
蛟見白嬰巖客裁詩春靄々山靈澤物夜英々誰曰肺渴寒
冽澗底歸來更拾荆

龍峰孤塔

在縣東龍峰古塔寔為蒼龍左角

巋然特立梵王宮梯級唯容鳥道通翠壁雲綃紅劫火鐵簷鈴

兩落秋風高標挿漢蒼龍左倒影橫江白雀東何日捫蘿尋勝迹不愁千里目難窮

寶掌冷泉

寶掌山唐千歲和尚道場有看經行道洞巖竇出泉極
甘寒

清冷寒沁白芙蓉靈物蜿蜒古有龍山見曇華森寶掌洞藏貝葉金鐘聽猿欲訪三生石見雀還疑五老峰赤脚只從泉上去蕭然卧雪看雲松

月泉春

月泉書院祠朱呂二先生學者肄業其中

泉在空山月在天東萊夫子武夷仙擔簦有客來長白載酒何人學太玄心印寒潭同皎潔書聲春雨雜潺湲一燈肯借棲松桂飽聽南薰鼓舜絃

南江夕照

南江橋西望原麓返照如畫圖中

目盡江南送夕陽空明直下接漁梁千重雲岫連平遠五色霜林暎渺茫孤鷺倒飛天上下長虹高卧水中央白雲紅稻多秋思付與詩翁了醉鄉

潮溪夜漁

去縣五十里溪流始大有魚蝦之產

魚蝦溪產正鮮肥水沒蘆花舊石磯
筍候潮秋得計參差吹月莫忘歸
九淵貝闕疑龍國一道漚波似鮎埼
黃帽擢歌回夜半舡頭高卧綠策衣

東嶺秋陰

縣東、山嶺平林廣野秋常多陰

青山失色暗丹楓廣野平林杳靄中
半嶺無雲時慘淡尺天不兩亦空濛
冥、南向藏玄豹漠、東開見白鴻
高處夕難攬

結掃除陰翳待椎風

深裏江源

浦陽江源出深裏山在縣西十里

深裏淵源萬古流遡洄誰解泛扁舟
險疑灑灑瀨來巴蜀高訝崑崙近斗牛
混、直從開闢有洋、未許網羅求
東行須過浦陽浦清咏難追謝守遊

昭靈仙跡

昔黃帝少女於仙華巖上昇山有有昭靈廟
水旱禱之輒應

肌膚冰雪蘋神人此地昭靈迹未陳華表鶴歸終解語鼎湖龍
起後攀鱗兩香寶穡瓊田晚露冷琪花碧澗春仙馭時隨青鳥
去定陪崑圃宴羣真

半間雲

白衣蒼狗自悠悠川上山中任去留賓主已忘同舍宿神仙何
事帝鄉遊無心更出十峰兩有約平分一榻秋寄與聽松閑宰
相好來怡悅伴湯休

瓊花賦管侯家所植者

廣陵移種謝家池折却東風第一枝承露掌寒生玉粟鬱金香

重綴冰蕤女車曾過唐昌觀煬地空遊后土祠十二闌干天上
夢看花應不似當時

故翰林待制劉公時中挽詞

平生寶繪燎秦灰有酒長教咲口開中夜聞雞曾起舞晚年愛
菊竟歸來聖賢欲獻王褒頌絳灌那知賈誼才悵望龜溪埋玉
後湘江兩濕釣磯苔

奉送前御史監察河南僉事達兼善移官淮西三十韻

弱冠魁高第臚傳孰鴈行臨軒知主聖獻頌屬臣良御酒頌光
祿恩袍出尚方聲華初赫奕眉宇最清揚秉筆居青鎖登瀛步

玉堂窮經聞道統瑞世應文昌慣立螭頭陛曾含雞舌香奠階
唐日表芸閣侍奎章才可讐東觀勲宜紀太常玉書探禹穴石
鼓識陳倉學士陪天上詞官近帝旁規忠進洪範斬佞請干將
烏府風雲會金陵壁壘疆法嚴秦御史篆逼漢中郎薦剡符輿
論塞帷肅憲網在廷裁獬豸當道去豺狼拜命辭中禁分司震
大梁舉賢持藻鑿務本篤畊耒往事摩銅狄終身感素王金鰲
憑要眇鯨海入蒼茫舊約桃花縣新除枳子鄉携家來恰幘乘
驛度舩艍講易懷龍井論詩繫燕同心如律呂分手未參商
楚望陵藩屏徐方接要荒石牛仍角觝金斗直光芒山憶浮槎
至州傳戰艦藏絕江應泛月入境定飛霜人物周公瑾神仙魏
伯陽長淮萬里外鷓鴣正翱翔

曉入白岩山

溪橋低小路縈迴樹裏人家門未開馬上西風涼似雨濕雲吹
下白岩來

又

騎馬入亂峯乘流絕溪渡晚來岩上風吹落樹頭露

故婺州錄事文林周公挽詞

東南耆舊半彫零士類於公見典型秋色愁予兩淚雨夜光墜

地一文星扶搖嘗擊三千水富貴將登五十齡為縣有能公論
在傳家清白遺麟經

又

凝塵冉々總帷寒痛絕即君曉問安進士杏園三月宴勞人花
縣十年官山中因史遺獲硯海內才名惜二難此別豈知成隔
世西風吹淚洒秋蘭

又

却掃城南水竹居病多時讀養生書四知清節辭金際五字新
詩夢艸餘聽兩每番聯卧榻看山空約借肩輿天台高遠濤江

閩丹旄翩々祖奠初

滿城縣學瑞芝并序

浙西憲府經歷汲郡劉君瑞卿前為滿城縣宰新修孔
子廟時天曆元年冬也越明年有芝草七莖一莖生大
成殿中右楹礎石上鑿御史南鄭王君伯成序其事於
是諸公作詩以美之 察

有美滿城宰芝生孔子堂文明來瑞異德化見慈祥泮水魯歌
頌齋房漢樂章曰之挹眉宇髯戟凜秋霜

題郭天錫山水

擁腫無根山癩頭銀雲截翠半空浮酒醒拭目知何處華岳飛
來一片秋

秋熱得雨有懷

今夏五月涼殘暑不易過楚氣蒸火雲商飈動塵堞涸澤鱣魚
虞大厦燕雀賀寒泉當晝濯茂樹終日坐玄白逃士嘲丹鉛督
兒課蛟龍候帝符霖雨須王佐力田歲乃早良農心亦墮忽爾
天瓢傾令我客愁破萬事儔漚波百年同蟻磨秋高海濤壯夜
朗江月大天香桂一枝地籟竹千箇懷人當此時狂歌誰敢和
東叔仁并寄子平徵君

天際長風送曉帆林深空翠裊春山新知傾蓋渾如舊多病論
詩不凡紅雨入窻花籟蒼雲穿壁筍纖子陵臺畔能同
隱何必商山與傳巖

述懷寄光遠并東城南諸友

野人無事久忘機肯信紛華有是非花信欲闌鶯百轉變芒初
長雉雙飛書中歲月仍為客枕上江山屢夢歸時復思君倚深
榭不知殘雨濕春衣

又

青、草色接平蕪翠涌千峯入座隅戴勝晨呼採桑女於菟夜

警收緒奴羽觴洛水聞修禊單袷溫泉想舞雩欲泛蘭舟過春
渚一樓烟雨似西湖

又

紅塵飛不到岩棲燕子人家楸木低兩岸春風吹杜若一株寒
雨濕棠梨指桐仙去山中邑訪戴人非雪後溪幾夜思親唯有
夢柳花路上蹋香泥

書懷

春夢渾難記年光不可留絮輕隨野馬黠熟醉林鳩綠樹深藏
徑青山直上樓功名等閑事一笑拂吳鉤

偶成

苔花洗春雨籍此聽潺湲終日無客至滿樓都是山

寄光遠

沙淨花如雪江昏雨似絲山靈揚鬼火木客和人詩萬里丈夫
志十年童子師此行深自愧未謁子陵祠

上巳懷古二首

泛雪舟杭似剡中種瓜丘隴想江東當年三窟成陳迹只有青
山尚姓桐

又

不見風流葉右丞
橫山陳迹復誰登
老拳曾醒將軍醉
當日蘭亭恐未能

寄求唐卿

求仲不來閑竹徑
子陵難見隔雲山
已拚斗酒留春住
更約扁舟載月還

富春附海船還省待望拜子陵祠堂

祥飈來西南
五兩候明發
龍驤萬斛輕
鼉鳴五音節
烹羊祭波臣
巨壑東連渤
饋餉方走燕
樓船不征越
時余遊富春
附載看山笏
望拜子陵祠
客星炯林樾
他年如陸行
辦香重上謁
歸來見慈顏
歡喜入心骨
嗟尔畎畝民
輕命鮫鯨窟
啖利亦細微
風濤乃倉卒
渺々三神山
蒼々一毫髮
鞭石咲秦皇
欲令海濤竭
至今採藥人
島上成珠闕
疇能往送之
桃花千歲月

送李士廉調浙東帥府史并柬石室禪師

借問東遊何日還
滿城柳色唱陽關
惜花心老笙詩裡
夢草詩新案牘間
兩地相思幾風雨
一片雲只隔一江山
老禪雪竇非塵世
試聽玄談半日閑

送姑熟陶性之學正赴京師求仕

赤縣觀光日青雲
蒞輒初長楊應獻賦
行李只挑書五柳
嘗歸

去三茅亦隱居聖明今在上不仕復何如

賦酪櫻桃

聞道醍醐稱蠟櫻熟紅仍帶露香傾冰漿出盞和崖蜜火齊堆
盤化水精樊素口脂難並美烏孫肉食謾傷情尊前從此誇風
味專與歌姬解宿醒

送陳輔賢侍母之柳州吳寧簿

十年學就何蕃舍百里才淹楚子邦桂嶺風霜連橘井洞庭烟
浪接柳江維舟夜聽啼猿獨入饌朝供躍鯉雙別後夢魂思舊
業富春山繞白雲窻

送王景賢侍母之閩省父

雲海移親舍天風送客桅束書吳子國訪古粵王臺嵐氣千峯
兩灘聲半夜雷燕山番入夢一路桂花開

送桂希賢還四明

爾家住近慈溪曲陟岵觀雲客身獨一行作吏走官府十載明
經咲塲屋丈夫落落志四方讀律師古卑申商養親寧免干弁
斗取士未可拘尋常江山清竒數明越千里東歸正炎熱禱雲
處望霖雨息陰時防道暘局舟早發江之臯別酒更酌新
蒲萄亟趨庭闈侍扇枕重来應及秋風高



